



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 04-44-1-66/19
Sarajevo, 11.07.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 10.07.2019. do 07:00 sati 11.07.2019. godine

Pripadnici općinske službe zaštite i spašavanja, koja je formirana u Dobrovoljnom vatrogasnom društvu Tarčin su angažovani na otklanju posljedica od jakog olujnog nevremena na prioritetnim objektima i saobraćajnica u naselju Tarčin. Oštećeni krovovi stambenih objekata sanirani su crijepom i folijom tako da ne prokišnavaju, dok su oborena stabla su uklonjena sa važnijih saobraćajnica. U toku jučerašnjeg dana imali su 13 (trinaest) intervencija na otklanjanju posljedica od olujnog nevremena i nastavit će se i u toku današnjeg dana.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo (Profesionalne vatrogasne jedinice) imali su jednu požarnu intervenciju i to 10.07.2019.godine u 23:43 sati u ulici Muhameda Riđanovića br.2 gdje je gorio dio stambene kuće (kuhinja). Požar je brzo ugašen (manji požar), nije bilo povrijeđenih lica, pričinjena materijalna šteta. Na gašenju požara učestvovalo 8 vatrogasaca sa dva specijalna vatrogasna vozila.



Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila +7°C, vlažnost zraka 93%, barometarski pritisak 942,2 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Zbog održavanja manifestacije „Ilijaški dani“ obustavljen je saobraćaj u ulici 126. Ilijaške brigade (od raskrsnice sa ulicom Hašima Spahića do raskrsnice prema OŠ Hašim Spahić).

Povodom 24. godišnjice genocida u Srebrenici i ukopa identificiranih žrtava danas do ponoći zabranjen je prevoz eksplozivnih materija na putevima: Sarajevo-Olovo-Kladanj-Luke, Tuzla-Živinice-Stupari-Kladanj-Luke i Tuzla-Kalesija Caparde.

KJKP GRAS: Gradski saobraćaj se odvija po redovnom režimu, osim minibuskim linijama iz Hadžića za Kasetiće, Osenik i Ušivak i linije Stup - Sokolje, koje nisu u funkciji zbog nedovoljnog broja vozila.

Prema informacijama prikupljenih od dežurnih dispečera i informativnih službi, **Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski i željeznički saobraćaj se odvija po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1